

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE**

**Vijeće nacionalnih manjina Federacije  
Bosne i Hercegovine**

Broj: 04/5-02-1697/22

Sarajevo, 01.09.2022. godine

**Z A P I S N I K**

**6. sjednice Vijeća nacionalnih manjina Federacije Bosne i Hercegovine, održane  
31.08.2022. godine**

Šesta sjednica Vijeća nacionalnih manjina Federacije Bosne i Hercegovine održana je putem aplikacije ZOOM, online, dana 31.08.2022. godine s početkom u 16,00 sati.

Prisutni su bili sljedeći članovi: **Hidajeta Redžić, predsjedavajuća Vijeća nacionalnih manjina FBIH, Violeta Džolan, dopredsjedavajuća Vijeća nacionalnih manjina FBIH, Vladimir Lukačević, Davor Ebner, Bruno Palestra, Zehra Obarčanin, Alaga Suljić, Mehmed Suljić, Elvira Jusić, Dejan Piotrovski, Nermin Geca, Velibor Kuvač, Mišo Čirko, Elma Softić-Kaunitz, Emin Fafulić, Emil Bakoš, Admir Biberović i Džemina Zejnullahu.**

Sjednici nisu prisustvovali: **Davorka Drijenčić, Dervo Sejdić, Edin Sejdić i Irma Muratović.**

Sjednicom je predsjedavala **Hidajeta Redžić**, predsjedavajuća Vijeća nacionalnih manjina Federacije Bosne i Hercegovine.

**Za 6. sjednicu Vijeća nacionalnih manjina Federacije Bosne i Hercegovine predložen je sljedeći:**

**DNEVNI RED**

- 1. Usvajanje Zapisnika sa 5. sjednice Vijeća nacionalnih manjina Federacije BIH;**
- 2. Informacija o Općim izborima 2022 u Bosni i Hercegovini;**
- 3. Tekuća pitanja.**

Hidajeta Redžić, predsjedavajuća Vijeća nacionalnih manjina Federacije Bosne i Hercegovine istakla je da Zapisnik sa 5. sjednice Vijeća nacionalnih manjina Federacije Bosne i Hercegovine još nije primljen od nadležnih službi, te je predložila da se iz ranije predloženog i dostavljenog Dnevnog reda sjednice briše tačka 1) odnosno da će se spomenuti zapisnik razmatrati odnosno usvajati na narednoj sjednici Vijeća.

Potom je predsjedavajuća otvorila sljedeću tačku Dnevnog reda.

**2. Informacija o Općim izborima 2022 u Bosni i Hercegovini;**

Predsjedavajuća je istakla da se 02. oktobra o.g. održavaju Opći izbori u Bosni i Hercegovini, i da pripadnici nacionalnih manjina svakako trebaju iskoristiti svoje aktivno biračko pravo. Osim toga ona je podsjetila članove Vijeća da je kao materijal za 6. sjednicu Vijeća dostavljena kratka Analiza programa i programskih deklaracija političkih partija čiji je cilj bio utvrditi u kojoj mjeri su u ovim dokumentima zastupljene nacionalne manjine.

Predjedavajuća je istakla da neke političke partije u svojim dokumentima izričito spominju nacionalne manjine, a neke ne. Ona je dodala i da je svrha Analize bila informativna, jer, jedno su programi i programske deklaracije, a nešto sasvim drugo je aktivna politika. Ona je istakla da se tokom proteklih nekoliko godina moglo jasno uvidjeti da uprkos navođenju nacionalnih manjina u programskim dokumentima nekih političkih partija, aktivan angažman u cilju poboljšanja statusa nacionalnih manjina je izostao.

Dalje, predsjedavajuća je istakla da nije primjereno i da svakako nije u njenom mandatu da ona sugerira članovima Vijeća za koju političku opciju bi bilo uputno glasati. Ona je istakla, naglasivši da je u pitanju sugestija, i ništa više od toga, da će ona lično podržati člana Vijeća nacionalnih manjina **Dervu Sejdića** u njegovom nastojanju da postane poslanik Parlamentarne skupštine BiH. Kao apelant pred Evropskim sudom za ljudska prava i dugogodišnji aktivist i borac za prava romske nacionalne manjine, Dervo Sedić bi bio idealan zastupnik nacionalnih manjina u državnom parlamentu. Kako je navela predsjedavajuća, ako bi gospodin Sejdić povrh toga uspio postati i predsjedavajući Zajedničke komisije za ljudska prava Parlamentarne skupštine BiH, to bi bio veliki uspjeh za nacionalne manjine. Osim toga ona je istakla da je i članovima udruženja svoje nacionalne manjine, odnosno članovima Vijeća crnogorske nacionalne manjine u BiH, sugerisala da podrže Dervu Sejdića.

U diskusiju po ovoj tački Dnevnog reda uključio se **Mehmed Suljić**, predstavnik romske nacionalne manjine u Vijeću. On je u okviru pripremljenog stava istakao da u suštini političke partije čine jako malo kako bi se status i opći položaj nacionalnih manjina u FBiH popravio. Osim toga, Mehmed Suljić je predložio je slijedeći:

## **ZAKLJUČAK**

**IZOSTAO JE POLITIČKI KONCENZUS MEĐU POLITIČKIM PARTIJAMA, MANJAK EMPATIJE ZA BROJNA PITANJA KOJA SU OD VITALNOG INTERESA NACIONALNIH MANJINA FBiH. DEKLARATIVNA PODRŠKA POSTOJI KOJA NE DAJE NIKAKVE EFEKTE.**

**IZRADA NACIONALNOG PROGRAMA ZA NAJUGROŽENIJU NACIONALNU MANJINU-ROMA, NA BAZI REALNIH POKAZATELJA, BILA BI SNAŽNA POLITIČKA PORUKA, KOJA BI SE ODASLALA SAMIM NJEGOVIM USVAJANJEM.**

Nakon što je predloženi Zaključak predsjedavajuća stavil na glasanje, isti je većinskom podrškom članova Vijeća usvojen. Predsjedavajuća Vijeća je potom prešla na slijedeću tačku Dnevnog reda.

### **3. Tekuća pitanja**

Predsjedavajuća je obavijestila članove Vijeća da je **Vladimir Lukačević**, predstavnik češke nacionalne manjine neposredno prije sedmice uputio izvještaje i druge dokumente u vezi sa njegovom učešćem (u svojstvu predstavnika Vijeća) u radu Koordinacionog odbora nacionalnih manjina kojim u okviru jednog od svojih projekata rukovodi Ured Vijeća Europe u BiH u saradnji sa Ministarstvom za ljudska prava i izbjeglice BiH. Predjedavajuća je istakla da članovi Vijeća nisu imali vremena da analiziraju dostavljenje materijale te je zamolila predstavnika češke nacionalne manjine u Vijeću da u budućnosti blagovremeno dostavlja izvještaje o svom radu i djelovanju u Koordinacionom odboru. Pored toga, predsjedavajuća je istakla da će me dostavljeni materijali razmatrati na narednoj sjednici Vijeća.

U diskusiju se uključila **Admira Biberović**, predstavница romske nacionalne manjine koja je istakla da ima informaciju da će uskoro, u okviru rada Koordinacionog odbora nacionalnih manjina biti održan trening za predstavnike nacionalnih manjina. Ovo je potvrdio Vladimir Lukačević.

Predsjedavajuća je potom istakla da je Vijeće svojevremeno imenovalo dva svoja predstavnika u spomenuti Koordinacioni odbor, i to imenovanog Vladimira Lukačevića, i Muju Fafulića, čiji je mandat u Vijeću nedavno prestao. Shodno tome, potrebno je da Vijeće imenuje novog predstavnika, umjesto Muje Fafulića. Nakon toga, predsjedavajuća je upitala Admiru Biberović da li je ona možda zainteresirana da bude predstavica Vijeća što je ova, ljubazno zahvalivši se, odbila i to iz ličnih i porodičnih razloga. Budući da ostali članovi Vijeća nisu izrazili interesovanje da budu imenovani u Koordinacioni odbor, predsjedavajuća je istakla da će se ovo pitanje razmatrati na narednoj sjednici Vijeća.

Budući da daljnjih pitanja nije bilo predsjedavajuća je zaključila sjednicu Vijeća u 16:30 sati.

**PREDSJEDAVALA VIJEĆA NACIONALNIH  
PARLAMENTA FEDERACIJE BiH**



Hidajeta Redžić